

庶物類纂

海菜屬
自一至二

太政官文庫			
和書門		特別	一二三六二號
架函		第五十四番	四六五冊

容

第百廿六函

内閣文庫			
番號	和	32362	
冊數		465(313)	
函號	附	54	1

九十内

共三




A 1 2 3 4 5 6 M 8 9 10 11 12 13 14 15 B 17 18 19

Kodak Gray Scale



© Kodak, 2007 TM: Kodak







庶物類纂海菜屬總目

卷之一

藻總

海藻

卷之二

大葉藻

馬尾藻

牛藻

柳葉道



庶物類纂

海菜屬總目

藍菜

牛毛菜

龍鬚菜

線菜

鵞腸菜

水松

神黛

卷之三

裙帶菜

海帶

海衣

石蓴

海蘊

陟釐

溪菜

紙菜

卷之四

昆布

苔菜

紫菜

苔垢菜

石花菜

仙草

卷之五

鹿角菜

虎栖菜

羊栖菜

鷓鴣菜

蠓菜

石鮓

候潮草

冥薺藟

卷之六

澣苔菜

越王餘算

海粉

燕窩菜

總計三十八種

庶物類纂海菜屬卷之一目次

藻

海藻

魚物類纂卷一

藻

俗名磨

魚物類纂卷一

海菜屬 藻

藻

藻水草也。生水底有二種。其一種葉如雞蘓莖大如箸長四五尺。其一種莖大如釵服葉如蓬蒿。謂之聚藻。扶風人謂之藻。聚為發聲也。此二藻皆可食。煮按去腥氣。米麪糝蒸為茹嘉美。楊州饑荒可以當穀食。饑時蒸而食之。唐陸璣毛詩草木鳥獸蟲魚疏

機謹按釵服當作釵股

藻乃水草之有文者。潔淨如澡浴。故謂之藻。有二種。水中甚多。水藻葉長二三寸。兩兩對生。即馬藻也。聚

藻葉細如絲及魚鰓狀節節連生即水蘊也俗名鰓草又名牛尾蘊是矣爾雅云荇牛藻也郭璞注云細葉蓬茸如絲可愛一節長數寸長者二三十節即蘊也二藻皆可食入藥以馬藻為勝左傳云蘋蘩蕰藻之菜即此

明李東璧本草綱目

藻水草之有文者出乎水下而不能出水之上其字從澡言自絜如澡也書曰藻火粉米藻取其清火取其明也周官希冕四章自藻而下其章不足道也故謂之希冕希冕言其數也玄冕二章自黼而下其數

不足道也故謂之玄冕玄冕言其色也先儒以為希冕三章玄冕一章非是也孔子曰黼衣黼裳者不如葦葦非不能食也服使然也蓋玄冕繪黼於衣繡黼於裳大祭則王服以齊故曰不如葦也中祭而下則服玄端然則禮曰齊之玄也以幽陰思也玄冕亦爾非特玄端而已禮曰玄冕齊戒詩曰又何予之玄衮及黼黼玄冕也以衮舉上以黼舉下蓋言之法也由此觀之玄冕兩章則希冕四章明矣蓋子男之服毳冕五章則人君所服盡於此矣人君所服盡於毳冕則

希冕而下臣服也故禮自毳冕而上章數皆以奇自
希冕而下章數皆以偶奇陽也偶陰也孔子曰管仲
鏤簋而朱紘山節而藻枕賢大夫也而難為上也說
者以為藻取其文蓋藻非特為取其文亦以禳火今
屋上覆椽謂之藻井取象於此亦曰綺井又謂之覆
海亦或謂之湄頂風俗通曰殿堂宮室象東井形刻
作荷菱荷菱水草也所以厭火與此同義詩曰魚在
在藻有頌其首王在在鎬豈樂飲酒魚在在藻有莘
其尾王在在鎬飲酒樂豈蓋魚性食藻王者德至淵

泉則藻茂而魚肥故以頌首莘尾為得其性莊子曰
在之也者恐天下之淫其性也故三章皆曰魚在在
藻王在在鎬也且周之興也憂勤在豐其豈樂在鎬
豈樂在鎬其嘉樂在洛故是詩正言樂豈蓋憂釋而
為樂怒釋而為豈尚書大傳曰周書自泰誓就召誥
而盛於洛誥傳曰士卒鳥藻言其和睦歡悅如鳥之
戲於水藻也或言魚藻亦以其如此明牛哀坪
雅廣要
藻水艸之有文者出乎水下而不能出水之上其字
从澡言自潔如澡也書曰藻火粉米藻取其清火取

其明也山節藻梲盖非特為取其文亦以禳火今屋上覆椽謂之藻井取象于此亦曰綺井又謂之覆海亦或謂之愚頂風俗通曰殿堂宮室象東井形刻作荷菱荷菱水艸也所以厭火與此同類詩魚在在藻有頌其首王在在鎬豈樂飲酒魚在在藻有莘其尾王在在鎬飲酒樂豈盖魚性食藻王者德至淵泉則藻茂而魚肥故以頌首莘尾為得其性誥傳曰士卒鳧藻言其和睦歡悅如鳧之戲于水藻也明王路分彙花史二藻皆可食煮熟按去腥氣米麪糝蒸為茹甚滑美

入藥以馬藻為勝明王蓋臣群芳譜

藻水草也有二種水藻葉長二三寸兩相對生即馬藻也聚藻葉細如絲節節連生即水蘊也俗名鰓草又名牛尾藻爾雅云茗牛藻也郭璞注云細葉蓬茸如絲可愛一節長數寸長者二三十節氣味甘大寒滑無毒去暴熱熱痢止渴凡天下極冷無過藻菜荊揚人遇歲飢以葉當穀食同上按本草藻有二種其葉大二三寸兩兩對生者馬藻也葉細如絲節節連生者水蘊也二藻皆可食土人

藻類

呼水藻為雜草盛京通志

藻有二種水藻葉長二三寸兩兩對生亦曰馬藻聚

藻葉細如絲及魚鰓狀節節連生亦曰水蘊俗名鰓

草又名牛尾蘊江鎮府志

機謹按丹徒縣志文同

藻爾雅翼曰根生水底葉敷水上不若小浮萍之無

根而澡浮也韓詩沈者曰蘋五月有花白色謂之白

蘋汀州府志

藻詩于以采藻爾雅稱荇牛有薪草馬藻聚藻牛藻

之種當塗縣志

藻葉大生深澗中爾雅疏藻水草也州人以當穀食

埤雅云善療瘤瘕三山志

藻韓詩沈者曰蘋浮者曰藻今謂之馬藻亦呼紫藻

會稽縣志

海藻

一石落首神農本草經
一石薄爾雅
一石薄別名醫錄
一石

倍ナ名ナ拿ナ那ナ壺リ鎖ソ又ナ名ナ霍ホ搭タ法ハ拉ラ又ナ名ナ十シ母ム法ハ
 煞サ蕪ウ對ト馬マ又ナ名ナ戔カ蕪ウ麼モ豐フ後コ又ナ名ナ各カ麼モ陸リ奥オ
 又ナ名ナ思ス思ス麼モ上ジョウ又ナ名ナ結キ法ハ煞サ侖リン渡ダ又ナ名ナ法ハ罵マ

海藻類

拿州越後 又名十母ハ覓ハ煞ハ蕪ハ上同又名澳ハ虎ハ周防
又名紫ツ紫ツ麼モ若挾又名拿ナ耶リ壺ハ土佐

海藻

蔘海藻爾

藥草也一名海蘿如亂髮生海中本草云晉郭璞註
蔘又名海藻郭云藥草也一名海蘿如亂髮生海中
本草云者案本草一名落首一名薄陶註云生海島
上黑色如亂髮而大少許葉大都似藻葉宋邢昺爾雅疏
爾雅曰蔘海藻如水藻而大似髮黑色生深海中陳
藏器本草以為爾雅所謂綸似綸組似組東海有之
正為二藻也善療瘤瘰夫頸處險而瘰今汝洛間多

焉而浙右閩廣山嶺重阻人鮮病之者按本草海藻昆布青石紫菜皆療瘤癭結氣被海之邦食此故能療之也

宋陸佃埤雅

薄海

草也一名海蘿如亂髮生海中按

陶隱居稱海藻生海島山黑色如亂髮而大少許葉大都似藻葉陳藏器則有馬尾藻大葉藻二種之辨馬尾藻生淺水如短馬尾細黑色大葉藻生深海中及新羅葉如小藻而大爾雅云綸似綸組似組正謂二藻也夫綸組東海有之蓋綸乃有秩畜夫所帶斜

青絲綸楊子所謂五兩之綸半道之銅者也組綬也海中草生菜理有象之者因以名云然則馬尾藻為綸大葉藻為組矣馬尾藻細黑色與陶郭所謂亂髮者相符然吳都賦叙水草有江薺海苔綸組紫菜石帆水松之屬其類甚多江薺似亂髮海苔亦云狀如亂髮則水草之似髮者蓋已多此既以海藻為名當如常藻而稍異大葉藻其是歟海人取大葉藻正月深海底似繩繫腰沒水下川得旋繫繩上五月已後當有大魚傷人不可取也然本草稱海藻一名薄而

本草綱目卷之八

釋草藻石衣藻海藻相異既云主結氣癭瘤則又是大葉藻云一名薄者非也宋羅願爾雅翼海藻類紫莢而麤惡曰落首曰薄曰石衣曰海蘿爾雅云薄石衣郭氏云石髮也又云薄海藻郭氏云如亂髮其說無別致誤後人引據且薄與薄藻與藻皆無異義何得為二物海藻形如弊衣石髮形如亂髮自是二物凡此之類易得渾轂又有石帆之於水松亦能相亂故陶弘景云石帆如柏療石淋水松如松療溪毒吳都賦所謂石帆水松是也又有海帶似帶

昆布似布爾雅云綸似綸組似組東海有之綸即鹿角菜組即海中苔宋鄭夾漆昆蟲草木畧

海藻陶隱居云生海島上黑色如亂髮而大少許葉大都似藻葉又有石帆狀如柏療石淋又有水松狀如松療溪毒今按陳藏器本草云此物有馬尾者大而有葉者本經及注海藻功狀不分馬尾藻生淺水如短馬尾細黑色用之當浸去鹹大葉藻生深海中及新羅葉如水藻而大本經云主結氣癭瘤是也爾雅云綸音似綸組似組正為二藻也海人取大葉藻

正在深海底以繩繫腰沒水下則得旋繫繩上五月
已後當有大魚傷人不可取也臣禹錫等謹按爾雅
云蘼海藻注藥草也一名海蘿如亂髮生海中藥性
論云海藻臣味鹹有小毒主辟百邪鬼魅治氣疾急
滿療疝氣下墜疼痛核腫去腹中雷鳴幽幽作聲主
起男子陰氣常食之消男子瘡疾南方人多食之傳
於北人北人食之能生諸病更不宜矣陳藏器云馬
藻大寒搗傳小兒赤白遊癰火焮熱瘡搗絞汁服去
暴熱熱痢止渴生水一如馬齒相連

嘉祐補
註本草

海藻生東海池澤今出登萊諸州海中凡水中皆有
藻周南詩云予以採藻于沼于汜是也陸璣云藻水
草生水底有二種一種葉如雞蘇莖如筋長四五尺
一種莖如釵股葉如蓬蒿謂之聚藻扶風人謂之藻
聚為發聲也二藻皆可食熟按其腥氣米麪糝悉為
茹甚佳美荆楊人飢荒以當穀食今謂海藻者乃是
海中所生根著水底石上黑色如亂髮而麤大少許
葉類水藻而大謂之大葉藻本經云主癰瘤是也海
人以繩繫腰沒水下則得之旋繫繩上又有一種馬

尾藻生淺水中狀如短馬尾細黑色此主水瘥下水
用之陶隱居云爾雅所謂綸似綸組似組東海有之
今青苔紫菜皆似綸昆布亦似組恐即是此也而陳
藏器乃謂綸組正謂此二藻也謹按本經海藻一名
藻而爾雅謂藻為石衣又謂藻徒南切名海藻與藻是
海藻自有此二名而注釋皆以為藥草謂綸組乃別
草若然隱居所云似近之藏器之說亦未可的據又
注釋以石衣為水苔一名石髮即陟釐也陟釐色類
似苔而麤澀為異又云藻葉似蘘音薹而大生海底且

陟釐下自有條味性功用與海藻全別又生江南池
澤乃是水中青苔古人用以為紙亦青黃色今注以
為石髮是也然則藻與蘘皆是海藻之名石髮別是
一類無疑也昆布今亦出登萊諸州功用乃與海藻
相近也陶又云凡海中菜皆療癭瘤結氣青苔紫菜
輩亦然又有石帆如柏主石淋水松如松主溪毒吳
都賦所謂草則石帆水松劉涓子注云石帆生海嶼
石上草類也無葉高尺許其華離樓相貫連死則浮
水中人於海邊得之稀有見其生者水松藥草生水

中出南海交趾是也。紫菜附石生海上，正青，取乾之則紫色。南海有之。東海又有一種海帶，似海藻而麤且長。登州人取乾之，柔韌可以繫束物。醫家用下水，連於海藻昆布之類。石髮，今人亦乾之作菜，以蠶臙噉之，尤美。青苔可以作脯食之，皆利人。苔之類又有井中苔，生廢井中，并井藍皆主熱毒。又上有垣衣，條云生古垣牆陰，蘓恭云即古牆北陰青苔衣也。生石上者名昔邪，屋上生者名屋游，大抵主療略同。陸龜蒙苔賦云：高有瓦松，早有澤葵，散巖竇者曰石髮，補

空田者曰垣衣，有屋曰昔邪，在藥曰陟釐是也。瓦松生古瓦屋上，若松子作層，澤葵，鳧葵也。雖曰異類，而皆感瓦石而生，故陸推類而云耳。今人罕復用之，故但附見於此。瓦松即下條作葉何草也。廣志謂之蘭香段，成式云：或言構木上多松栽，土木氣洩則生瓦松，然亦不必爾。今醫家或用作女子行經絡藥。本草經海藻近海諸地，采取亦作海菜，乃立名目，貨之四方。

云明李東璧
本草綱目

海藻生海島上，黑色如亂髮，有二種：馬尾藻生淺水

中如短馬尾大葉藻生深海中及新羅國葉如水藻而大海人以繩繫腰沒水取之五月以後有大魚吞人不可取也今近海諸地來取亦作海菜乃立名目貨之四方以薑醋淹之作菹

明李東璧食物本草

海藻生海葉如雞蘇莖如筋長四五尺海人以繫腰沒水下刈得之按去腥氣禾麩糝蒸為茹荊揚人飢荒以當穀食亦乾之作菜以蘆曬噉之尤美同上海藻別錄曰海藻生東海池澤蘇氏曰今登萊諸州及近海諸地皆有之葉類萍藻莖如亂髮而黑根著

水底石上有大小二種大者名大葉藻生深水中葉大如水藻小者名馬尾藻生淺水中宛如馬尾海人以繩繫腰投水取之五月後不可取恐有大魚出水傷人也修治以淡水浸去鹹味曬乾用○陳氏曰海藻生海中若藻濯然其名狀有四一曰藻海中之水藻也一曰羅水草之有文也一曰綸生淺水而葉細一曰組生深水而葉大爾雅云綸似綸組似組東海有之正謂此二藻也

明倪朱謨本草彙言

水中如短馬尾細黑色大葉藻生深海中葉如水藻而大海人以繩繫腰沒水取之爾雅云綸似綸組似組東海有之正此二藻也

清劉若金本草述

海藻水草之有文者黑色如亂髮葉類水藻而大生東海池澤橫陳于海若自澡濯然故名海藻

明李中立本草

始原

海藻鎮按吳普本草綸布一名昆布則爾雅所論似綸東海有之者即昆布也綸音關青絲綬也以予見如青絲之綬則為海藻無疑矣陶弘景以綸為青苔

紫菜之屬組為昆布為是時珍言海中諸菜性味相近故主治雖畧有不同亦無大別也

清何鎮本本草綱目類纂必讀

海藻生東海池澤今出登萊諸州有二種一種葉如雞蘓莖如筋長四五尺一種莖如釵股葉如蓬蒿謂之聚藻今為海藻者乃是海中所生根著水底石上黑色如亂髮而麤葉類水藻而大謂之大葉藻本經云主癰瘤是也按本經海藻一名薄而爾雅謂薄為石衣又謂薄一名水苔一名石髮石髮即陟釐也味苦寒無毒治宿食不消五膈痰壅水氣浮腫脚氣賁

藻類

狔氣明王思義三才圖會續集

海藻曰海蘿一曰落首○鄧氏曰如蓬蒿者曰聚藻時珍以爾雅之薄為海藻音覃舊以薄為沈藩為蜺母即知母也南越志有品藻苔如品也清方以智通雅酉陽雜俎曰漢武昆明池中有水網藻枝橫側水上長八九尺有似網目鳬鴨入此草中皆不得出因以名之淵鑑類函

爾雅薄海藻注一名海蘿本草一名落首一名薄生海島上黑色如亂髮而大少許葉大都如藻葉陳

藏器曰此有二種馬尾藻生淺水中如短馬尾細黑色大葉藻生深海中新羅國葉如水藻而大海人以繩繫腰沒水取之佩文齋廣群芳譜

海藻爾雅曰薄又名海藻生海中黑色如亂髮而大埤雅曰本草以爾雅所謂綸似綸組似組東海有之正謂二藻也又云按本草海藻昆布青苔紫菜皆療瘤癭結氣又一種細者紫色曰紫角菜寧波府志

海藻葉大生深海底爾雅云水草也福州府志

海藻數種俱出陽江海中有如綸者有如絲帶者有

燕牛類纂

如髮者皆可食肇慶府志

石髮菜亦名海藻浙江通志

海藻本草云出東海池澤味苦鹹寒無毒圖經云根

著水底石上黑色如亂髮而粗大葉類水藻而大海

人以繩繫腰沒水下得之山志

按本草生東海島上色黑如亂髮如水藻而大海濱

多有之盛京通志

海藻生海中又一種甚大俗名大菜又一種細而紫

色名鹿角菜台州府志

海藻如菠稜青黑色能解鬱火痰疾之疾土人取之

以濟歲荒登州府志

燕牛類纂卷二

海菜屬 海藻 土

庶物類纂

庶物類纂海菜屬卷之二目次

- 大葉藻
- 馬尾藻
- 牛藻
- 柳葉菹
- 藍菜
- 牛毛菜
- 龍鬚菜
- 線菜

庶物類纂

海菜屬目次

本草綱目卷之八

驚賜菜

水松

神黛


大葉藻

倍名麼モ又谷倭蕪麼モ周防又名盍ア十麼モ同又
谷爾ニ拉麼モ同上

本草綱目卷之八

海菜屬 大葉藻 一

本草綱目卷二



大葉藻

大葉藻生海中及新羅葉如水藻而大嘉祐補註本草

陳藏器云馬藻大寒搗傳小兒赤白遊癰火焮熱瘡

搗絞汁服去暴熱熱痢止渴生水如馬齒相連同上

今謂海藻者乃是海中所生根著水底石上黑色如

亂髮而麤大少許葉類水藻而大謂之大葉藻本經

云主癰瘡是也海人以繩繫腰沒水下則得之旋繫

繩上本草圖經

本草綱目卷之二十一



馬尾藻



海菜屬

馬尾藻 一

本草綱目卷二

馬尾藻

馬尾藻生淺水如短馬尾細黑色用之當浸去鹹

嘉祐

補註
本草

海藻蘇氏曰今登萊諸州及近海諸地皆有之葉類
萍藻莖如亂髮而黑根著水底石上有大小二種大
者名大葉藻生深水中葉大如水藻小者名馬尾藻
生淺水中宛如馬尾海人以繩繫腰投水取之五月
後不可取恐有大魚出水傷人也

明倪朱謨
本草彙言

本草綱目卷之六

牛藻

本草綱目卷之六

海菜屬 牛藻 一

庶物類聚卷二

牛藻

或問東宮舊事六色罽縵是何等物當作何音荅曰
按說文云蒼牛藻也讀若威音隱鳩瑰反即陸機所
謂聚藻葉如蓬者也郭璞注三蒼亦云蘊藻之類也
細葉蓬茸生然今水中有此物一節長數寸細茸如
絲圓繞可愛長者二三十節猶呼爲蒼又寸斷五色
絲橫著線股間繩之以象蒼草用以飾物即名爲蒼
于時當緝六色罽作此蒼以飾緄帶張敞因造絲旁
畏耳宜作隈北齊顏之推顏氏家訓○漢魏叢書

廣雅釋名

蒼牛藻爾雅似藻葉大江東呼為馬藻○蒼其爾切藻音早○晉郭璞
註爾雅蒼一名牛藻江東呼馬藻藻之葉大者也詩召
南云予以采藻左傳云蘋蘩蕰藻之菜以此草好聚
生故言蕰藻蕰訓聚毛傳云藻聚藻也陸璣云藻水
草也生水底在二種其一種葉如雞蘇莖大如箸長
四五尺其一種莖大如釵股葉如蓬蒿謂之聚藻又
云扶風人謂之藻聚為發聲也此二藻皆可食煮熟
梅去腥氣米麵糝蒸為茹嘉美揚州饑荒可以當穀
食也○宋邢昺爾雅疏
○十三經註疏

柳葉菜

燕物類彙編


海菜屬 柳葉菜

柳葉蘆

蘆艸上音卽水藻也生陂塘及水泊中莖如麤線長三四尺葉形似柳葉面狹長故名柳葉蘆又有葉似蓬子葉者根麤如釵股而色白味微鹹性微寒救飢撈取葉連嫩根擇洗淘潔淨剉碎燂熟油鹽調食或加少米煮粥食尤佳

明周憲王救荒本草

庶物類集卷三



藍菜

庶物類集卷三

海菜屬 藍菜 一

本草綱目卷二

藍菜

藍菜生海巖上味甜可食八閩通志

藍菜生海巖上味甜閩書


蘇物類彙編卷二

海菜屬


藍菜

二

麻牛菜




牛毛菜



植物類編

海菜屬 牛毛菜 一



牛毛菜

牛毛菜出東海石上形類牛毛故名山東通志


龍鬚菜

一名石柳食物本草 一名繒菜華夷花木珍玩考 一名麒麟

麟菜廣郡芳譜 一名石髮食物本草會纂

倍名シ十ラ拉モ麼對馬州 又名煞ナ蕪ウ拿ナ州越後

本草綱目卷之六



龍鬚菜

龍鬚菜生東南海邊石上叢生無枝葉狀如柳根鬚
長者尺餘白色以醋浸食之和肉炙食亦佳博物志
一種石髮似指此物與石衣之石髮同名也

明李東
璧本草

綱目

龍鬚菜生東南海邊石上叢生無枝葉狀如柳根鬚
長者尺餘白色以醋浸食之和肉炙食亦佳一名石
柳卽此是矣

明李東璧
食物本草

龍鬚菜出萊州繁生海中石上莖如繒長僅尺許色

本草綱目卷之六

海菜屬 龍鬚菜 二

始青居人取之沃於水乃白又名繒菜人頗珍之又司空山南洗藥池齊長岳浴丹之所中有龍鬚菜味甘可食日未出浮生水面日出則沒於水中人潔心以往則隨採可得若混以葷腥苦澀不下咽

明慎懋官華夷

花木

機謹按洗藥池龍鬚菜與生海中者同名異物

司空山南張岳浴丹之所產龍鬚菜味鮮甘可食日未出浮生水面日出則沒潔心采之即得雜以葷腥無味矣

明陸應陽廣輿記○長沙府

機謹按明陳仁錫潛確居類書司空山之上洗藥池在長沙府七字

盛京志龍鬚菜生于東南海邊石上叢生狀如柳根長者至尺餘白色以醋浸食亦佳蔬也土人呼為麒麟菜

出金州海邊佩文齋廣群芳譜

龍鬚菜生東南海邊石上叢生無枝葉一名石髮長尺餘以醋浸食和肉蒸亦佳

清沈李龍食物本草會纂

龍鬚菜出萊州繁生海中石上莖如繒長僅尺許色始青居人取之沃於水乃白又名繒菜人頗珍之

山東

通志

龍鬚菜按本草生於東南海邊石上叢生狀如柳根鬚長者至尺餘白色以醋浸食亦佳蔬也土人呼為


麒麟菜出金州海邊盛京通志

龍鬚菜水旁田畔俱生形頗類蕨松溪縣志

線菜


倍名鎖蕪ソウ覓母那ノ靈リ陸奧又名噎脫ト煞蕪ウ覓母ノ陸奧又名思那ス靈リ薩摩又名蕪迷煞ミ蕪覓母ノ肥前又名母結ム拿ナ出羽

海菜屬 線菜



線菜

線菜生海中沙地上其長如線色微紅出漳浦漳州府志
機謹按閩書同



驚腸菜



鵞腸菜

鵞腸菜生海石上長四五寸其薄如帶色黃漳浦多


閩書

鵞腸菜長四五寸其薄如帶色黃出漳浦

漳州府志


鵞腸菜生海石中長四五寸其薄如帶色黃

漳浦縣志



水松

信名馬紫那靈州常陸



水松

陶隱居云水松狀如松療溪毒

嘉祐補註本草

陳藏器又云水松葉如松半草食之生水肿生海底

吳都賦云石帆水松是也

同上

石帆如柏主石淋水松如松主溪毒吳都賦所謂草

則石帆水松劉涓子注云石帆生海嶼石上草類也

無葉高尺許其華離樓相貫連死則浮水中人於海

邊得之稀有見其生者水松藥草生水中出南海交

趾是也

本草圖經

又有石帆之於水松亦能相亂故陶弘景云石帆如柏療石淋水松療溪毒吳都賦所謂石帆水松是也

宋鄭夾漈昆蟲草木畧

水松出南海及交趾生海水中其狀如松海人取食

之明李時珍食物本草


吳都賦曰草則石帆水松陶弘景曰石帆狀如柏水松狀如松○淵鑑類函

機謹按水松有二種一陳藏器所謂葉如松半茸

者也莖葉青翠軟脆可食一月令廣義言水松葉

如檜而細長出南海土產衆香而此木不大香土

人無佩服者至嶺北則香殊勝于南方故嶺北人極愛之是也



神黛



神黛

神黛生海邊泥泊上葉蒼蒨如黛歲饑和米作粥食之出漳浦漳州府志

機謹按閩書同

神黛生海邊泥泊上葉蒼蒨如黛饑可和米作粥漳浦縣志



